

廣東新聞

廣東新聞 粵省治河工程之難緩

羊城訪聞云 吾粵水患 向以西北兩江爲最 而東江亦非淺小 故年來本省治河處工程之規畫 亦漸傾向於東江流域 查去年東江一帶 由治河處依照防濱計畫 以重修舊圍 建築新堤 幷于各道決口加築水閘 約計所需經費 不下參十萬元 而其收効之最大者 莫如石龍之東 約三十里許 鐵岡地方建築水壩 堵截該處三道決口 使東江水漲時 附近田土 不至爲洪水淹入 查此項工程共費不下二萬餘元 據該地居民云 自去年築壩後 該地一切農產 完全不被水患 祇計去年一歲所入較諸前此未築壩時 每年出產 可多獲二千餘元兩利相衡 何取何去 此足見治河收効之大 而不容視爲緩圖也 惜類此地方 聞已擬定修築 且由各地呈請修築者 多以款項無着 致未舉辦 聞治河處 日前曾擬舉行田畝附加稅 定爲治河經費 亦遲遲未見實施值此冬令水淺 正工程大興之候 乃以地方之財 亦不獲爲地方之用 甚且虛糜于種種不生利之事業 爲可惜也 又聞東江博羅縣屬之同和墟附近 舊年水漲 致沖決圍基三十餘丈 該地居民 無力修補 若不速行修補則明年水漲 必至冲入石灘 淹沒田畝 當以萬頃計聞治河處以此處工程 關係重要 故經費雖極支绌 仍欲勉力籌措 修築此圍 預防水患 大抵不日當興工建築云

● ● ● 惠州禍不單行

惠州函云 惠屬自經兵燹以來 地方工商各業 現雖陸續回復 惟各行生意 異常冷淡 近且屬內 民軍收束未竣 隨處勒索行水 以致出入口貨物 轉運不通 查十二日 有柴船十餘隻 集由河源上流 魚貫而下 悉被匪帮 冒稱民軍 一律扣留 現在惠屬元氣未復 願當局亟須注意保護云

● ● ● 粤垣軍警之衝突

正月十四晚九時許 有兵士數十人欲闖入東關戲院看戲 該院特務警衛 已不敢干涉 感遁於院內避之 惟該院向由洪兆麟派有軍隊十餘名駐院保護 時只有三名坐守閘口 看來者人衆 遂入內擬喚同伴而制止 訖知該丘八等 不由分說 大呼喝打 洪部迫亦退入 于是秩序大亂 檻上之大光燈 亦被擊毀 女座中喊聲震地 該丘八等入院內搜捕警察 適有第二區休班警察一人在第三位看戲 致被捉獲 從三樓將他擲於地下 因受重傷 惟院外有一兵名葉少羣者 不知何故 竟亦倒斃 其後憲兵到場彈壓 幷將死者及重傷之警察 備已送往陸軍醫院矣

四牌樓大市街口站崗警察 日前(十點至二點班)被類似軍人裝束十餘輩 出其不意奪去長短槍各枝 崗警率隊跟追 己遂無弋獲

敬啓者我羅姓昆仲
偕旅加屬實繁有徒
惟無會所畱若星辰
饑面不逢遇事不濟
幾同秦人視越休戚
漠不相關消息不通
之義實多憾焉爰集
議先立豫章堂爲辦
事所根據定然後次
第進行務達結合團
體聯絡感情爲宗旨
富塲議定每名額繳
堂底銀五元另加捐
職員辦理爲此特行
登報通告各埠各坑
昆仲週知凡屬本族
宗親共表同情請即
開列門牌住址來函
詳示俾得將捐冊章
程付上是所切盼